



Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

44. Traditio ad monasterium.

urn:nbn:de:hbz:466:1-22974

misimus ipsum prudentiam, ut in vestra illi licitum sit suum peragere parochia officium. Et ut certius creditis à nobis ipsum ordinatum, hanc epistolam, quam formata dicimus, concludimus eo tenore ut credimus à sanctis patribus constitutum esse, id est, primā litteram Patris & Filij & Spiritus sancti, ut in nomine ipsius condita conservetur. Item primam litteram Petri ponimus, qui primus Apostolorum fuit, quæ, ut transtulimus, L x x. significat. Ponimus ad nostrorum nominum litteras loci quamvis diversorum ordine tamen ut constitutum est, id est, me indignum primam litteram, vestri gloriōsi secundam, tertiam civitatis nostræ de quamittitur, quartam vestram urbem ad quammittimus. Addidimus Indictionem quæ est. AMHN. quod nonagenarium nonum numerum exprimit. Valete in Domino.

Item adhuc alia.

XLII. Reverentissimo almiflūque religionis cultu sincerissimo sanctæ illius sedis Archiepiscopo vel Episcopo Adventius reverenda Mertensis Ecclesiæ ac plebis ipsius humilis famulus in Christo pastorum principe mansuram cum gaudio prosperitatis & perpetuitatis gloriam. Decreta sanctorum CCCXVIII. patrum Nicæa constitutorum saluberrima ferventes, Deo dignam piämque fraternitatem vestram canonice aggredimur, & sub nomine formatæ epistolæ reverenter vestram sanctitatem adimus, vobis videlicet intimando quia præsentí Presbytero vel Diacono seu Subdiacono nomine ill. has dimissorias dedimus litteras, quem in nostra dioecesi ecclesiastice educatum de ordine clericatus ad illum proveximus gradum; ut his canonicis munitis apicibus, cum nostra licentia ei in vestra parochia sub defensione ac regimine vestræ cara dilectionis degere licet, & ut eum, si morum probitas & doctrinæ dignitas suppetit, ad ecclesiasticos ordines promoveat fideliter annumbus, & in finu sanctæ matris Ecclesiæ canonice fovendum ac regendum committimus. Hanc ergo epistolam Græcis litteris hinc inde munire decrevimus, & anulo Ecclesiæ nostræ bullare censimus. Christus pastorum princeps fraternitatem vestram ad custodiæ fui gregis diu nobis conservet incolumem. Amen.

Exemplar libertatis.

XLIII. Auctoritas ecclesiastica pateretur ammonet, insuper & majestas re-

gia catholicae religioni assensum præbet, ut quemcumque ad sacros ordines ex familia propria promovere Ecclesia quæque delegerit, in praefentia Sacerdotum, Canonorum simul & nobilium laicorum, ejus cuius subjectus est subscriptione vel manumissione sub libertatis testamento solemniter roboretur. Idcirco ego Adventius annuente Christo sancte Metrensis Ecclesia Episcopus quandam Ecclesias nostræ famulum nomen ill. sacerdos ordinibus oblatum ad altaris cornu nobilium viorum in praesentia per hoc auctoritatis testamentum statuo, ita ut ab hodierno die & tempore bene ingenuus atque ab omnibus servitio vinculo securus permaneat, tanquam si ab ingenuis suis parentibus procreatus vel natus, candemque perget partem quamcumque volens canonice elegerit, ita ut deinceps nec nobis neque successoribus nostris ullum debeat noxia conditionis servitium. Sed omnibus diebus vita sua sub certa plenissimâque ingenuitate, sicut alijs cives Romani, per hunc manumissionis atque ingenuitatis titulum bene semper ingenuus atque securus existat. Suum vero peculiare quod habet, aut quod abhinc asséquui poterit, faciat inde secundum canonican auctoritatem liberè quicquid voluerit. Et ut hac ingenuitatis pagina inviolabilem obtineat firmitatem, manu propria illam roboravimus.

ISONIS MONACHI SANGALLENSIS FORMVLÆ.

Traditio ad monasterium.

XLIV. Humano genere peccatorum maculis fauciato atque ob culpam inobedientia à paradisi gaudiis dejecto, inter cetera curationum medicamenta etiam & hoc Deus mundo remedium contulit ut propriis divitiae homines suas animas ab inferni tartaris redimere potuissent, sicut per Salomonem dicitur: *Redemptio animæ prov. 13. viri, proprie divitiae ejus.* Hinc & per metapsam divina clementia in evangelio hortatur dicens: *Date, & dabitus vobis. Luc. 6. & 11.* Et iterum: *Date elemosynam, & omnia munda sunt vobis.* His igitur atque aliis scripturarum ammunitionibus ego Wolflugi compunctus trado atque transundo ad cenobium sancti Galli, ubi Grimaldus Abbas præesse dinoscitur, quicquid in pago Turgauensi in loco Rammisperage

O o iij

nominato proprio sudore Starichofius adquisivit, & cum manu advocati sui Richmari ad prædictum cœnobium contradidit, mihique & legitimæ meæ procreationi sub ea ratione possidendum de-reliquit ut censum exinde annis singulis perolvamus, id est, duos denarios vel duos maldros de grano. Si autem ego illas redimere velim, cum uno solido id agam. Si vero ego illas non redimam, legiti-heredes mei sub prædicto censu eas possideant. Si autem hoc evenerit ut legitimi heredes mei deficiant atque in sua ingenuitate non permaneant integrerrimè, statim ad prædictum redeant cœnobium per-pe-tualiter possidendum, nullaque eas ulterius licentiam abstrahendi habeat, sed pro remedio animæ meæ necnon & Starichofli semper illuc sint delegatæ, cum pratis, pascuis, silvis, marchis, viis, aquis, aquarumque decuribus, culti & incultis, mobilibus & immobilibus, quicquid dici vel nominari potest. Hanc autem traditionem ideo ego facere volui quia illa prior traditio quam Starichofius fecit, non perfecta nec litteris fuit mandata. Quod si ego ipse vel ultra opposita persona contra hanc traditionis chartulam venire tentaverit, auri uncias tres, argenti pondera quinque ad æarium Regis coactus perfolvat, & effectum quem inchoavit non perficiat, sed haec charta stabilis & firma permaneat, cum stipulatione subnixa. Actum in ipso cœnobia sancti Galli, præsentibus istis quorum hic signacula continentur. Signum Wolfugi, qui hanc traditionem fecit. Sig. Heitar. † Amalunc. † Witigouvo. † Tagibreht. † Ricman. † Enno &c. Ego igitur illo immersus monachus rogatus scripsi & subscripti. Notavi diem dominicum i.v. Kal. Iun. anno xiiii. regni Lodoici, sub Odalrico Comite.

Item alia.

XLV. Ego in Dei nomine illa cum manu advocati mei nomine illo trado ad monasterium sancti illius mancipia totidem, quorum haec sunt nomina. Sed extra hos unum servum emptum nomine illo. In ea videlicet ratione ut ea habeam tempus vite meæ, censumque annis singulis solvam, id est, tantum. Et si redimere volero, eum tanto redimam. Illum vero supranominatum servum nomine illo in eundem censum habeam tempus vite meæ. Et si redimere volero, cum tanto pretio redimam. Post obitum vero meum, si ante non redimero, omnia ad jamdictum

monasterium redeant perpetim possiden-da. Si quis vero contra hanc chartulam traditionis venire atque intrumpere tentaverit, illa multa componat sicut in lege Alamannorum continetur. Actum in illo loco publicè &c.

Præstaria.

XLVI. Christi enim favente clementia ille Abbas monasterij illius sancti. Convenit una cum consensu fratrum nostrorum ut illa'mancipia, quæ nobis ille de illo loco tradidit, ei iterum per præstarium repræstaremus, quorum haec sunt nomina, illum & ejus sobolem his nominibus, sed extra hos unum servum emptum, in ea videlicet ratione ut ea habeat tempus vita-sæ, censumque annis singulis inde solvat, & si redimere voluerit, cum illo pretio redimatur. Illum vero supranominatum servum illum in eundem censem habeat tempus vita-sæ; & si redimere voluerit, cum illo pretio redimatur. Post obitum vero ejus omnia ad supradictum monasterium redeant perpetim possidenda, si ante non redemerit. Actum in ipso monasterio publicè, præsentibus istis quorum hic signacula continentur. Signum Decani, Præpositi, Cellarij, Sacrararij, Portarij, Hospitarij, Camerarij. Sig. aliorum testimoni. Ego itaque ille scripsi & subscripti. Notavi diem illum, illa data, anno illo illo Imperatoris, sub illo Comite.

Vindicatio traditionis.

XLVII. Dum constet plurimis quod à quodam homine nomine illo advocatus cœnobij sancti illius, pro rebus quas ille in illo loco sitas ad partem jamdicti monasterij contradidit, frequenter pro illis rebus interpellatus est. Quia ex re utrinque complacuit atque convenit ut devitandæ deinceps causa contentionis præfata res, pro quibus nos & advocatione nostrum interpellat, ad nos pleniter id est ad potestatem monasterij redeant perpetim possidenda, accipiatisque à parte ejusdem monasterij aliquo territorium in confinio ville illius nomine nuncupata, hoc est, totidem juchos, sub tali conventione ut etiam deinceps neutræ ullam inquietudinem seu repetitionem moliantur. Quod si inchoatum fuerit, sit tunc pars alteri tantum culpabilis quantum expedit, & quod malo ingenio repetit evindicare non valeat, sed præfens conventionis chartula perennem obtineat vigorem, stipulatione subnexa. Actum in illo loco publicè. Signum illius Abbatis & advocati sui illius, qui hanc